

commutacione predicta, aliqua possit jn posterum dubietas seu calumpnia suboriri. Sigillum nostrum, & sigillum Capituli nostri presentibus sunt appensa. Datum Lækký. Anno Domini M°,CC°,XCIII°. jn die beate lucie virginis.

Sigillen 1, 2, skadade.

1124.

1295.

Fallandafors.

Caniken i Linköping, Prosten i Njudingen HÅKANS testamentariska anordning om sin qvarlåtenskap.

B. 3. 62.

JN NOMINE DOMINI AMEN. Anno incarnationis eiusdem. Millesimo CC nonagesimo quinto. Ego HAQUINUS canonicus lincopensis. prepositusque de nyudhungia corpore licet debilis. tocius tamen mentis & sensus compos atque sanus meum jn hunc modum condo testamentum. Jn primis michi ob remissionem meorum peccaminum confero ecclesie lincopensi duas curias. videlicet. stafsio & brundzrýdh cum omnibus suis attinencijs prope uel remotis. Excepta illa parte mobilium quam villici possident in eisdem. Jta tamen quod dominus lincopensis aliam ad suam mensam retineat. & alteram assignet fabrice lincopensi. Pro quibus dictus dominus lincopensis in missis animarum. meam respiciat animam prout sibi deus duxerit inspirandum Jtem confero eciam ecclesie lincopensi quartam partem Octonarij quam emi in aby. jta quod ad prebendam pertineat beate katerine si persona canonicè ibi instituta. in primo anno obitus mei pro anima mea quinquaginta duas missas animarum celebrari fecerit. Alioquin per dominum meum lincopensem ordinetur. Preterea confero ecclesie. decretum. decretales cum glosa ordinaria. Jtem vetus digestum cum glosa magistri Azonis & quoddam psalterium glosatum, Domino meo lincopensi confero vnum ambulatorem nigrum. Domino beroni canonico lincopensi confero XI Marchas den. quas michi tenetur pro illa quarta parte octonarij in aby. Jnsuper & vnum cornu Claustro noueuallis confero vnum octonarium wiste in villa biergheme & vnum equum & caldarium braxatium pro VII marchis emptum vbi michi eligo sepulturam. Preterea pro redempcione crucis assumpte solueram triginta libras sterlingorum nouorum quorum medietatem recognosco fratrem meum possedisse pro quibus supplementum deducat de curia mea fallandafors ex indiuiso Similiter quia jdem frater meus promisit me arma mea suprascripta. & eciam inferius vtpote libros dictos & dicendos libere conferre pro mee libito voluntatis. cum eosdem mecum pro parte media possedisset. volo quod ipse arma sua vna cum dextrario libere habeat a cuiuscumque inpeticione Exinde

confero fratribus minoribus & maioribus ac hospitalariis singulis duas marchas. vnam ad vsum personarum & aliam ad reparacionem edificiorum per dyocesim constitutorum lincopensem. Jtem vnam marcham ecclesie in ødhistuw & vnam marcham ecclesie de malbech. et vnam marcham vicario domini ormolphi. duas marchas ecclesie de hylsio & duas marchas vicario ibidem de fructibus hactenus ibi ex parte mea percipiendis. sacerdoti de Skedhum vnum equum pro tribus marchis. Ecclesie de hyltopthum vnam marcham. Actum fallandafors anno & tempore suprascriptis heredibus requisitis & consencientibus In cuius rei testimonium sigillum meum presentibus est appensum Et peto sigillum dominj mei lincopensis & jnsuper sigilla dominj beronis & magistri bosonis canonicorum lincopensium. quos exequutores eligo super hijs qui sunt in øsgocia. maxime pro meis exequiis ibi faciendis secundum constitutionem domini lincopensis. & domibus religiosis ibi fiat elemosina de mea ecclesia ibidem uel prebenda.

1125.

1295 d. 4 Mars.

Örebro.

Konung BIRGERS för Lybeck och Hansestäderna, som idka handel på Östersjön, gifna tillstånd att ifrån d. 4 Mars till midsommaren besöka Novograd, med vilkor att ej medföra mera vapen, jern eller stål, än till eget behof erfordrades, och att icke med råd eller dåd bistå Rikets fiender, m. m.

K. v. 174.

BIRGERVS Dei gracia Svecorum Ghotorumque rex. Discretis viris Advocatis, & consulibus civitatis Lybicensis maritimarumque civitatum mare orientale frequentantium sincere dilectionis affectionem cum salute. Prudenter precidentia sunt mala, ut salutariter bona succedant & offendiculo quoque ablato de medio levis procedat & facilius aditus ad optata. Hinc est, quod quandoque paganos Karelos qui multis retroactis temporibus latrocinia, spolia & infinita enormia, nulli parcentes sexui, statui vel etati, ut pote vivos excoriando, captivos plurimos eviscerando, diversorum tormentorum genera nostris non tantum, sed & plerisque mare orientale visitantibus inferebant, ob unitatem fidei catholice dilatandam, miserorum miseriis condolentes, divina clementia convictos ad fidem convertimus christianam & cum ingenti exercitu ac sumptibus laboriosis castrum Wiborg ereximus ad honorem Dei virginisque gloriose, ad regni nostri tuitionem, nec non ad securitatem mare transeuntium & pacem, quos quidem Karelos in suis perversitatibus & nimia perfidia Ruteni tantum temporalibus & depredationibus inhiantes inhumaniter divino timore postposito confoverunt, postmodum re vera gloriosi principis domini magnifici regis Romanorum litteras nos novitis recepisse, petitorie continentes, quod de civitatibus vestris ad Nogardiam navigantes in mercimoniis vel